

Dnevni avaz, 17.03.2011.

Za osobe sa posebnim potrebama u Maglaju

Otvorene radionice za radno-okupacionu terapiju

„Rad je najjača čovjekova spona sa stvarnošću“, bila je Frojdova nit vodilja Udruženju „Humanost“ Maglaj da i odraslim osobama sa posebnim potrebama omogućí da upravo jednu takvu sponu uspostave i za sebe.

Na svečanosti su otvorene radionice za radno-okupacionu terapiju pri Dnevnom centru za osobe sa po-

sebnim potrebama „Ruka u ruci“, i to za desetak osoba starijih od 23 godine koje zbog prirode ili težine svoga oštećenja ne mogu naći zaposlenje.

Predviđeno je da radionice rade dva puta sedmično po sedam sati.

- Rad je organizovan po projektima: obrada drveta, tekstila, domaćinstvo i rado-



Oni su pomogli

U akciju pomoći uključili su se njemački EUFOR kroz donaciju dva kontejnera, supruge pripadnika štaba vojnog atašea Njemačke ambasade u BiH na božićnoj pijaci prikupile su 5.800 KM, resorno ministarstvo ZDK obezbijedilo je 3.000 KM te donatori Natron Hayat, Procredit bank Zavidovići i INOX Ajanović Tešanj, što je iskorišteno za opremanje radionica.

Značajna podrška za desetak osoba

vi u vrtu. Korisnici će izrađivati predmete od drveta, slikati na svili, plesti, učestvovati u održavanju reda i čistoće u kuhinji i u Dnevnom centru, pomagati

u pripremi hrane, napraviti i povrtnjak, odnosno voćnjak, uzgajati ljekobilje - istakla je Dženama Cerimić, menadžer Udruženja „Humanost“.

N. B.